

啓真集卷上上

金華山通玄子劉志剛撰

七言絕句

蒼王安仁問日用

綿綿不聞息風扇玉路衝開透骨爽崑頂白

烹成玉液功高九九合抽添

繼王用彰詠酒

休假漿醅翅襲香自家金醴味偏長無心爛

飲終朝醉醅酌神遊不夜鄉

和漆子明韻

抖擻塵襟樂道場拍懷風月舊家鄉一壺春

色清明界物我條然總兩忘

繼范清叔韻

林泉深處隱仙家時復偷聞梅月華為愛銀

河風浪淨飄飄霞羽泛靈槎

東溪趙大師獻茶有作

玉甌神水點靈砂妙手烹成瑞雪花昔日盧

仝曾得味我今全省是黃芽

擒昌陋庵

不趨朝市不趨山只愛貧居盡日閒夜月曉

風為契友紆青抱紫不相羣

又

幽居志樂不求安獨對煙嵐碧落開旋立旋

行沉俗慮半歌半舞幾開顏

付李先生

耳邊得句要功程舌上難求大器成火候按

時成七七都融骨肉鬼神驚

和鑑軒韻

幽軒鑿冕奪躋官照破中間萬事空應現頭

頭無物累光明內外體圓融

又韻

虛室幽軒清淨鑑從來不許世人磨光舍萬

象能常應物無私不滯他

詠筆

骨健身輕首似針隨人染翰性難禁枝生幹

死經千古猶自淋漓使黑心

永真庵夕照軒

平林日掛暮天晴光射雲軒潑眼明見我已

歸金色界更無半米俗塵縈

谷神庵竹

卷十一

雲庭妙手植脩筠勁節虛心不染塵傲雪欺  
寒神彩異青靑長占四時春

出家不悟

割愛剛求出世方翻成晝夜一身忙只誇頂

能耘耨一寸芝田却盡荒

迷懷

釀就逡巡不死漿陶陶飲醉入仙鄉醒來似

沐無生體頓覺金波滿腹香

中秋賞月

十分蟾影奪冰寒晃徹金天法界寬已見圓

明真實相不須更舉指頭看

懋松軒

芒鞋竹杖懋茅庵坐對松軒若太虛風靜煙

寒天萬里冥然疑在舊華胥

松軒聞琴

松軒特地解塵襟三弄瑤琴一炷沉鳴雜籟

風聲瑟瑟不須煙岳聽仙音

繼才卿韻

天中復有一重天箇裏恢張造化權體混太

虛無作相十方觸處現孤圓

卷十一

警衆

道包兩地與三天莫執無心合自然運用應期乾體就佳時方顯性珠圓

性月

織雲不效翳霜天性月當空極皎然三十方能應現千潭普照一時圓

晉水

晉派清冷不畏寒温温如沸噴雲煙灼知獨顯長春氣不受陰陽造化權

太陵庵

孤庵幽門倚雲山門絕輪蹄多藓斑讀罷黃庭煙篆冷相陪猿鹿樂安閑

登大樓

梯上危樓眼界寬一天萬里掌中看清清迥絕纖塵翳似覺閑身寄廣寒

觀梅

凜冽寒威萬索推嘉園獨杜舊瓊梅素英不畏嚴風力雪裏枝頭取次開

同羊任老見遊

身如不繫一漁舟寰海隨流信意遊興則歌

吟困則卧閣浮一任換春秋

偶作

絕相巖前樞妙用無生境上養天真匠成一點玲瓏體散即為風聚即神

任二先問日用

抽添鉛汞按時烹毫髮參差藥不成若解日增珠一粒光合空界體圓明

和武殿試贈王先生

山庵蟄迹淨無塵耕道真功日日新一片閑心俱不淡惺惺堪繼素瓢人

驟雨

雲起天門如潑墨雷鳴電掣雨如傾崢嶸勢猛隨風散一洗江山萬里清

山居

固窮活計居深壑猿鹿知音外絕鄰擅乳一鑪無箇事衡門三徑拍懷春

訪隱者不遇

煙霞深處訪仙人爭奈尋真不過真鶴駕飄飄無覓處落花空鎖武陵春

雲溪庵西軒

晚來陽焰射西軒照見頭頭物物全一段光明輝道眼不須別覓自家天

和韓子玉遊東山

騰騰蠟屐陟東崗頭覽身心一味涼歎此體剛常自淨解磨歲月地天長

和步才卿金峯觀

金峯仙館對孤岑人自深銘道德心感得慶雲時復現蓬宮眼底不難尋

又

壯麗金峯壁遠岑庭前古柏冒天心分明指出西來意何必曹溪遠遠尋

又

觀勝金峯接翠岑冰清氣象貴人心勞勞多少利名客誰肯偷閑到此尋

贈趙大師

蟄居勝地清溪口短塌蒲團鎮不眠欲鍊玄宮丹一粒須憑藥鼎火三千

馮仲祥問修行

不宜泥象執文求不可傍蹊曲徑搜要識虛無神氣谷無中取有是真修

又  
灰心枯坐徒勞體暗鍊育修護役神須識藥  
材元出處復明火候養成真

復問天光

有作無為俱不是守持存想總成非鈇鑑未  
鼎機真造精結神凝內發揮

又

龍爭虎鬥肺爭鳧鳥戰元精免戰神空土無  
為和合了含光默默契天真

呂和之問修行

下手修行要死陰陰並不死萬緣侵未知箇  
裏真消息牢捉牢擒走不禁

問金丹

金丹取有自無中莫為無中只著空空是真  
空空了當了空空體體圓融

又問丹法

定是水精慧是火心為真秉身為鈇功夫片  
餉能凝結十月成胎作上仙

喬大師索孤寬幅讚

黃雲招鹿杖頭挑引領幽魂上碧霄一自玉

音人演罷冥關業散逐風飄

皮院楊公索頌

巧把頑皮利削開不教向上翳塵埃區成真  
淨木霜體未與腥羶一例裁

王庵主送別索頌

來時九夏榴噴火去後三秋菊傲霜一片閑  
心煙水外大家默默守真常

元夜

鼇山燈火藝金蓮九陌樓臺開管絃眼底珠  
璣千點亂粧成不夜一壺天

問啄木

一種靈禽啄木中爪剛背利急施功非干不  
足求充腹解與喬林去蠹虫

警學琴

學道忙忙惜寸陰絲桐調弄謾勞心自家備  
有無絃曲何必剛求指上音

警園基

手談一着役閑情觀面生機黑白爭黑白若  
知無二色死生路上不須驚

劉先問髮髮差殊不作丹

十月總分三萬刻住行坐卧要綿綿功夫一  
刻一年候數奪天中三萬年

又

三奇刻刻用無他三萬刻中要調和一刻差  
違藥材耗金丹欲結更憑何

許先問修鍊法度

水火調勻無燥濕汞鉛烹鍊入丹壺隨時隨  
日漸凝聚無質無形結聖胎

又問玄霜

抹來日月二輪氣奪得乾坤一點陽按候運  
歸鉛汞鼎水烹火鍊結玄霜

李道寬問修行

身藏真氣心藏精二物烹煎得性靈若下十  
分三考志百千萬劫顯惺惺

問伏鉛汞

汞鉛見火能飛走須以無名橫鎖守鉛入坤  
宮汞入乾調勻水火丹無咎

左老問到頭著

志形養氣氣為根忘氣養神神養真神亦復  
志虛即養養虛合道到頭人

提初在道着空

道不遠人人遠道人能體道道人須知心  
得元空用空自不空空是真

又

營營速離諸疑網念能開眾妙門識破妄  
緣無執相皎然心鏡不曾昏

又

六塵緣影非心相斷滅明空亦外尋欲識無  
空真法體先須明了一真心

李妙真問虛空一體

覺前覺後兩非真當體消亡體過融寂爾無  
思心正住豁然如託大虛空

警眾說夢

夢中夢是兩重虛影外影為三等妄展轉隨  
緣虛妄生緣心總把真心障

又

一切有為如夢幻幾多緣念是怨魔緣生本  
體非真實當體不亡奈爾何

又

夢為空相身為夢念念爭空夢亦同夢想一

生同一我是無我我不空空

問超造化

紛紛造化輝超出浩浩卓然惟獨立靈照嚴  
持力不忘一真安住無差失

問日月高奔

日月高奔妙用機金烏血採過泓池直須穩  
宿蟾宮桂漸漸烹成白雪肌

續妙淨問止念

念起直須覺疾止休教念起覺心遲若能覺  
速止能速妙道現前立可期

雪中

半嶺羊腸路曲盤林巒雪障逼人寒凭欄極  
目乘高望頓覺一壺天地寬

西溪關居

門外溪聲漱玉寒貫人心地坦然安華胥夢  
覺無餘事一椀松茶一炷檀

七言律詩

永真草亭

道院幽人構草亭土階蓬牖省經營留連好  
月添開興勾引清風快野情瑞霽密藏三徑

淨晴嵐低浸一簾明有時猿鶴來相訪似話  
高堂未必清

贈西山隱者

幽人習性厭蝸名痼疾煙霞快野情椽實胡  
麻甘度日藥鑪經卷樂為生曉觀山市晴嵐

色夜聽松猿叫月聲萬事到頭都不會一真  
法界獨崢嶸

示眾

一性清虛六氣和風波不動沒禪河生涯食  
積蕪茅廣活計慳藏白雪多清淨場中甘展

轉光明境上獨張羅而今眷屬虛空體一片  
功夫是了呵

又

味道綿綿用不勞廓開玄量絕塵囂三輪光  
射九天朗三島風回四海潮六妄生情俱瓦  
解四隨報法總水消心空不著如空界一性  
玲瓏萬古超

啓真集卷上

十一

十二